

320 Sîn muot stuont hôch, doch jâmers vol.

die bêde schanze ich nennen sol:

hôchvart riet sîn manheit,

jâmer lêrt in herzen leit.

5 Er reit ûzen *zuome* ringe.

ob man in dâ iht dringe?

vil knappen spranc dar nâher sân;

dô enpfiegen si den werden man.

sîn schilt unt er wâren unbekant;

10 den helm er niht von im bant.

Der vreuden ellende

truoc daz swert in sîner hende,

bedecket mit der scheiden.

dô vrâgter nâch in beiden:

15 »wâ ist Artus unt Gawan?«

junchêrren zeigten im die sân.

Sus gieng er durch den rinc wît.

tiwer was sîn kursît,

mit liehtem pfelle wol gevar.

20 vûr den wirt des ringes schar

stuont er unt sprach alsus:

»got halde den kûnec Artus,

dar zuo vrowen unt man.

swaz ich der hie gesehen hân,

25 den biut ich dienstlîchen gruo.

wan einem tuot mîn dienst buoz,

im enwirt dienst nimer schîn.

ich wil bî sîme hazze sîn.

swaz hazzes er geleisten mac,

30 mîn haz im biutet hazzes slac.

vil junchêrren sp. *T

der vrôuden e., *T

daz sw. tr. er (om. U) an der (in sîner V) h., *T

verdeckt mit (in I) der sch. *G

Vil j. *T

er vûr ([*]: durch V) den r. *T (I)

w. ([*]: wirt T kûnig V) in des r. *T

k. A. *T

unde dar *T (I O L Fr22)

hie ersehen hân, *G (ohne ILZ)

dem b. (Den bieten U) *T (ohne V)

wan e. tuon ich dienstes (einem dem tûn ich dienst V) b., *T

dem wirt mîn d. nimmer (meiner V) sch. *G (*T)

*D: D *m: m *G: G I O L Z Fr22 (320.12–30) *T: T U V

1 Initiale D 5 Majuskel D 9 Initiale L 11 Majuskel D 16 Majuskel T 17 Initiale I Z · Majuskel D T

1 stuont] was *m 5 ûzen] ûz *m · zuome] zôme D 21 stuont er] er stuont *m 27 dem wirt mîn dienst nimer schîn. *m